



Pou Piblikasyon Imedya: 10/03/2023

GOUVÈNÈ KATHY HOCHUL

NAN KA KE OU TE RATE LI: ATIK OPINYON GOUVÈNÈ HOCHUL LA NAN BLOOMBERG: BIDEN GEN REZON: ENVESTI NAN GADRI FÈ SANS NAN BIZNIS.

Jodi a, Bloomberg te pibliye yon atik opinyon pa Gouvènè Kathy Hochul sou enpòtans pou ogmante aksè ak gadri ak mezi Eta New York ap pran pou asire biznis yo adapte ak bezwen fanmi k ap travay yo. Tèks atik editorial la disponib anba a epi ou kapab wè li sou entènèt [isit la](#).

Trant-kat ane de sa, mwen pa te janm reve mwen ta oblige kite travay mwen akòz yon mank gadri abòdab. Men, mwen te oblige kite, epi malerezman, se toujou reyalite a pou anpil paran k ap travay jodi a.

Kòm premye manman k ap te dirige Eta New York kòm gouvènè, pwoblèm sa a pèsònèl pou mwen. Sa gen plis pase twa deseni, mwen t ap travay pou ansyen Senatè Ameriken Daniel Patrick Moynihan. Men, tankou anpil jèn pwofesyonèl ki vle kòmanse yon fanmi, mwen te lite pou jwenn gadri epi, finalman, mwen te pran desizyon difisil pou m kite travay mwen. Istwa mwen an se pa poukont li.

Pandan twò lontan, yo te regle gadri kòm enkyetid familiyal oswa anjeneral enkyetid manman an. Pandan pandemi an, enflasyon an, ak lòt faktè ogmante depans chak jou tankou pri lojman ak gaz, pri gadri k ap monte a ap mete yon gwo presyon sou fanmi yo nan New York ak atravè peyi a.

Paran yo kite macge travay la an mas akoz mank gadri abòdab. Fanm yo kite travay yo nan yon pouvantaj ki wo ki pa pwopòsyonèl.

Pandemi an te ede chanje konvèssasyon an, ki montre ke gadri se yon envestisman entelijan pou biznis ki ogmante pwodiktivite, kalite lavi ak retansyon pami anplwaye yo. Kounye a, yo konsidere gadri kòm yon sèvis esansyèl pou anplwaye yo.

Isit la nan New York, nou deja pran devan nan travay la pou jwenn solisyon kreyatif, pote biznis yo sou tab la pou elaji opsyon gadri pou fanmi k ap travay yo. N ap konstate yon momantòm ke yo byen akeyi tou nan nivo federal la.

Dènyèman, Prezidan Joe Biden ak Depatman Komès la [te anonse](#) ke biznis k ap resevwa sibvansyon yo atravè [Lwa sou CHIPS ak Syans](#) lan bezwen bay travayè pa yo

bon jan kalite gadri ki abòdab. Sa a se yon anons yo byen akeyi, epi li pral asire ke konpayi ki nan dènye kri nan teknoloji epi k ap estimile ekonomi nou an pral gen yon ankourajman federal pou sipòte paran k ap travay.

Inisyativ New York yo

Nan eta nou an, n ap fè yon [envesisman 7 milya dola pou kat ane](#) nan aksè ak gadri pou ede bay fanmi ki pi bezwen sipò yo.

New York ap déjà pran mezi pwo-aktif pou pote biznis yo sou tab la. Nan kad [akò istorik](#) la pou mennen Micron, yon fabrikan semikondiktè mondal nan New York santral, nou te jwenn yon angajman nan men yo pou envesti 500,000 dola nan YMCA nan New York Santral pou elaji opsyon bon jan kalite gadri ak aprantisaj bonè nan komunitate lokal la.

Nou te pwopoze pwopozisyon inovan pou etabli yon pwogram pilòt Gadri Eta New York anplwayè yo sipòte pou diminye depans pou fanmi yo nan divize depans swen an ant anplwayè a, anplwaye a ak eta a. N ap ede biznis yo pi byen sipòte bezwen gadri anplwaye yo, gras ak pwopozisyon Navigatè Biznis (Business Navigator) inik nou an ak plan pou devlope yon gid pou gadri pou anplwayè yo nan tout eta a.

Anplis de sa, ak pwopozisyon nou pou etabli yon Kredi Enpo pou Kreyasyon ak Ekspansyon Gadri, nou prale menm pi lwen pou ede biznis yo pwolonje yon liy vital pou travayè pa yo epi trete gadri tankou nenpòt lòt avantaj yo bay anplwaye yo.

Nan kad plan nou an, biznis ki kreye nouvo syèj pou gadri oswa ki elaji gadri ki egziste déjà pou ajoute nouvo syèj ta elijib pou kredi enpo eta a. Sa ka vle di bati nouvo enstalasyon gadri toupre sit biwo oswa sit travay yo, travay ak founisè gadri ki egziste déjà pou ajoute kapasite nan yon pri abòdab pou travayè yo, asistans dirèk pou sibvansyone depans gadri travayè yo oswa lòt mezi pou rann avantaj enpòtan sa yo disponib pou Nouyòkè yo.

Enpak alontèm

Pwogram sa a pral pote transfòmasyon pou biznis ak travayè nou yo. Kòm eta nou an ak anpil nan nasyon an fè fas ak yon mank de travayè kontinyèl, anplwayè ki ofri benefis gadri yo pral vin pi konpetitif ak pi byen kapab atire travayè yo.

Elaji opsyon gadri a pral ede paran yo retounen nan mendèv la apre anpil ladan yo te oblige kite travay yo akòz bezwen parantaj yo. Travayè yo ak fanmi yo pral gen pi gwo estabilite ekonomik lè paran yo retounen travay epi gen pi bon opsyon pou gadri pou timoun yo.

Endirèkteman, pwogram nan ta bay yon ogmantasyon nan endistri gadri a, ki depi lontan opere sou maj ki fèb, ki pa kapab kouvri gwo depans pou bay bon jan kalite swen, ki gen ladan salè desan pou anplwaye yo k ap edike ak pran swen timoun nou yo.

Men nou pa ka kanpe la. Si nou reyèlman vle ekipe paran yo pou yo rete nan mendèv la, nou bezwen konje fanmi ki peye nan tout peyi a, tankou sa nou te konstwi ak elaji avèk siksè nan New York la. Ak depans k ap monte, avantaj tankou kredi enpo elaji pou timoun yo ta dwe vin pèmanan. Li lè li tan nou fè ekonomi an vin yon ekonomi ki fonsyone pou tout moun, enkli fanmi k ap travay yo.

Lè yo envesti nan gadri, biznis yo ap envesti nan siksè alontèm pa yo. New York la pou ede, epi nou pral kontinye travay ansanm ak patnè federal nou yo pou jwenn fason pou bay sèvis esansyèl sa a bay plis fanmi k ap travay yo.

Repwodwi ak otorizasyon. Pibiye nan dat 10 mas 2023. Copyright (Dwa dotè) 2023 Bloomberg Industry Group 800-372-1033. Pou plis itilizasyon tanpri vizite <https://www.bloombergindustry.com/copyright-and-usage-guidelines-copyright/>

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418